

que vicem, non minus quam plebeji tenues, siue didicerint, siue non didicerint. *Al.* Tu fac dextro Mercurio feliciter mercere triremem, ego non te remorabor amplius. Orco latus adferam nuntium. Sed heus, heus, Charon. *Ch.* Quid est? *Al.* Fac matures reditum, ne te mox obruat turba. *Ch.* Imo jam plusquam ducenta millia offendes in ripa, præter illas quæ natant in palude. Properabo tamen quantum licebit. Dic illis, me mox adfuturum.

Synodus Grammaticorum.

ALBINUS, BERTULPHUS, CANTHELUS,
DIPHYLUS, EUMENIUS, FABUL-
LUS, GADITANUS.

Al. **E**stne quisquam in hoc numero, qui dicit Arithmeticen? *Be.* Cui tandem rei? *Al.* Qui certum doceat quot convenerimus grammatici. *Be.* Istuc quidem citra * calculos vel digiti nostri nobis dicere poterunt. Te pono in pollice, me in indice, Canthelum in medio, Diphyllum in anulari, Eumenium in minimo. Nunc ad lævam transeo; illic in pollice pono Fabullum, in indice Gaditanum. Itaque, ni fallor, septem sumus. Sed quorsum attinet istuc scire? *Al.* Quoniam audio septenarium reddere legitimum concilium. *Be.* Quod concilium mihi narras? *Al.* Est res seria quæ me diu multumque torfit; neque me tantum, verum multos etiam viros neutiquam indoctos. Eam proponam in medium, ut huius synodi auctoritate semel finiatur quæstio. *Ca.* Eximium quiddam sit oportet, quod

tu
[Calculos] Nam veteres olim calculis supputabant, ut nunc in quibusdam regionibus nummis aneis.